

清季外交史精

蘭中十三
五
蘭中十四

美
三
十
三
※



清季外交史料卷六十二

光緒十二年正月

目 錄

粵督張之洞致總署報中法會議界務保樂允歸我電 正月初一日

直督李鴻章致總署鄧李使電保樂等處歸我電 附旨 初一日

使英曾紀澤致總署擬爭回滇邊各地英雖未允宜爲之備電 初二日

直督李鴻章致總署據法使言界務請照新約辦理電 初三日

直督李鴻章致總署羅馬電傳教事願照中國之意辦理電 初三日

總署致鄧承修李秉衡請遵旨照約劃界勿再拘執貽誤電 初四日

旨寄鄧承修等粵桂滇三省界務着按約辦理電 初四日

總署致曾紀澤洋藥事擬與英使各派員赴港商辦電 初四日

直督李鴻章致總署據鄧承修等報劃界近狀電初四日

總署致鄧承修等迅將與法使議界情形電覆電初五日

直督李鴻章致總署鄧李如遵旨勘界必可相安電初五日

使英曾紀澤致總署赴港議洋藥稅之員須慎擇電初五日

滇撫張凱嵩奏英人據緬情形摺附上諭及稟初六日

閩督楊昌濬致總署據福領事述港督電盜案由京辦理電初六日

總署致曾紀澤若誤爭怒江之東則騰越轉歸界外電初六日

使英曾紀澤致總署英約批准已轉達洋藥事在港會議電初六日

軍機處代遞徐承祖論韓事函附日人密探各事清冊初九日

使英曾紀澤致總署俄請派員勘界斷不可允電初九日

滇督岑毓英等奏履勘雲南邊界摺附上諭初九日

駐藏大臣色楞額等奏派員開導藏番摺附上諭十二日

勘界大臣鄧承修等致總署先勘原界有三難二害電十二日

直督李鴻章致總署鄭使電美土人戕害華工電十三日

直督李鴻章致總署倫敦電法派大員往越電正月十四日

舊金山中華會董致總署土人殺害華人求請美廷保護電十四日

直督李鴻章致總署法使言北圻有粵兵輪上岸請撤回電附旨十六日

總署致曾紀澤商辦洋藥善後專章電十七日

直督李鴻章致總署朝鮮請添設釜山至漢城電線電十七日

直督李鴻章致總署鄧使等電劃界事中路可先定電十七日

勘界大臣鄧承修等致總署法允文淵海寧保樂歸我電十七日

使日徐承祖奏添設新瀉等處理事摺十七日

滇撫張凱嵩奏籌辦緬甸邊防及開礦情形摺附上諭十九日

粵督張之洞致總署論欽州九頭山形勢電十九日

粵督張之洞致總署兵輪在欽州九頭山捕盜並無據地電十九日

閩督楊昌濬致總署香港盜犯亟須按約索還電十九日

直督李鴻章致總署鄭藻如電洛士丙冷案美交議院議賠電二十日

粵督張之洞致樞垣請敕電鄭使商美廷保護華工電二十日

直督李鴻章致總署與法使議通商減稅電二十二日

總署致李鴻章九頭山捕盜案希告法使勿誤會電二十二日

總署致曾紀澤黑龍江之簇粗魯海圖卡係中國地不准外人開礦

電二十一日

直督李鴻章致總署法使謂商稅若五分減一他款皆不必議電二

十三日

總署致李鴻章請對法使堅持減稅函二十三日

直督李鴻章致總署袁世凱電日欲逐金玉均至美電二十五日

總署奏派赫德赴港會商洋藥新章片二十五日

勘界大臣鄧承修等致總署浦使議界悔改前說事迄無成遵旨秋

末再議電附旨二十五日

使法許景澄致總署欲改界議須宕商務以爲牽制電二十五日

直督李鴻章致總署鄭李電稱法使劃界狡展情形電 二十六日

直督李鴻章致總署李興銳稟鄧承修剛愎拖延事敗垂成電 二十七日

直督李鴻章致總署據法領言稅則減五分之一必不能允請照俄

約辦理電 二十七日

勘界大臣鄧承修致總署俟界務可緩擬回龍州就醫請代奏電 附

旨 二十日

直督李鴻章致總署勘界事已電鄧承修先立文據電 三十日

總署致李鴻章請轉鄧承修速辦界務電 三十日

清季外交史料卷六十三

黃巖弢夫王彥威輯

男希隱亮編

孫孝章敬立校

粵督張之洞致總署報中法會議界務保樂允歸我電
連日會議保樂已允歸我東路鄰欽之新安州海寧府兩處語亦活動
惟中路堅執不讓現已略鬆頃遣人與彼明言諒山歸彼總在保樂附
近劃界等語驅驢之說若稍持之當可商據鎮安府稟保樂於十月二
十八日被游勇劉煥棠攻據彼不爭當因此許使電法撤守越武將改
派文臣前來等語似彼意已轉探法人多病轉瞬春暖瘴生彼多未便

先合電聞正月初一日

直督李鴻章致總署鄧李使電保樂等處歸我電

附旨

鄧李使電高非諒比約言諒高以北且芄葑高平西抱龍州
肩背自法視之則高重浦若照約芄葑高平保樂必劃歸於我浦連日
電戈而不約會未審法外部及戈有何論說云云鴻已密電鄧以戈旬
日不晤但與外部及浦日有電報往復未知所云清卿頃自都回醇邸
切屬轉致勿過爭執致啟弊端或謂宜先與浦查明舊界所在今議改
正請其讓出若干里以某山某河爲界如彼不肯讓再各請示本國否
則停留長智更難結束高平彼必不讓似徒詞費或在高北着意乞酌
等語理合電聞正月初一日奉旨李鴻章轉電鄧承修等電信暨張之

洞電奏均悉勘界總以按約爲主鄧承修所稱浦若照約芟蕪高平保樂必劃歸於我等語新約無此明文是否別有確據張之洞所稱保樂歸我新安海寧兩處語亦活動驅驢之說稍遲可商等語究竟現議若何着鄧承修電聞

使英曾紀澤致總署擬爭回滇邊各地英雖未允宜爲

之備電

澤前爭八幕北界大盈江即雲龍江下游南界瑞利江即容川江下游西界怒江即厄勒瓦諦江上游北界之北仍以怒江東爲我屬地此數層英雖未皆允然須電聞以便同聲不能寄圖以勘字明之力爲雲南匹中八爲八幕匹上橫大盈下橫瑞利甘字宜爲我屬地勘左即怒江

也正月初二日

直督李鴻章致總署據法使言界務請照新約辦理電
頃戈使持其外部密電云中國勘界大臣之議實係故違新約而中朝
既似有以爲然之勢甚爲可惜向來中國無不恪遵新約今忽有此變
其故何在即應於互商尙未決裂之先詢明一切是否因我議院前曾
有擬退北圻之說即以我能將北圻境內何處割入中國乎應與言明
斷不可允緣議院現已定議不得不恪遵辦理我國雖願與中國和好
而我所應得永不許棄倘有犯佔之事我即力阻必能較近年尤覺得
法可往總署明爲告知云云戈言接浦電鄧李等欲將新安海寧至高
平保樂沿邊一帶極大地方劃歸中界實與新約稍有改正語意相背

浦擬折回河內戈當遵訓條赴總署申理鴻告以朝廷暨總署並無成見鄧李因原約有改正字樣故與商酌戈請照約稍爲改正公同有益豈能獨益華而損法有礙法國體面鴻問究可讓若干戈云外部意仍照舊界斷不能多讓戈擬後日起程赴京鴻勸令候回電並屬其電外部及浦勿着急仍妥商請代奏速電示戈又稱法廷調越帥各爾西回仍留提督在越統兵云云正月初三日

直督李鴻章致總署羅馬電傳教事願照中國之意辦

理電

頃敦約翰自羅馬來電教王接書甚喜允即有回信我盼此事可在巴黎辦成羅馬外部於傳教之事願照中國朝廷之意思辦理云

正月初三日

總署致鄧承修李秉衡請遵旨照約劃界勿再拘執貽

誤電

勘界一事近日疊奉諭旨照約速辦勿滋衅端原以保樂海寧近議爭地過多恐資藉口大局攸關刻塵慈慮乃連日未得電覆而浦已停議戈欲進京顯以違約爲詞曉曉詰問若再固執前說勢將決裂開衅現奉旨即日約會浦使先按原界詳悉勘明以後稍有改正再行妥商續辦如今春趕辦不及緩至秋來再勘所有現議多劃之界均作罷論雲南廣東一律遵旨按約辦理不得貽誤貴大臣接奉此旨務卽懷遵約期另議先勘原界切勿再有拘執致滋貽誤至要至要正月初四日

旨寄鄧承修等粵桂滇三省界務着按約辦理電

旨三省界務一律按約辦理先勘原界再商改正昨赫德已電桂初十再議一次可留戈使在津勿行並屬速電浦約期另議如今春趕辦不及即改秋末再行會勘正月初四日

總署致曾紀澤洋藥事擬與英使各派員赴港商辦電
洋藥事擬照約請派一道員赴港一面屬英使派領事同往商辦再查地圖潞江在騰越東折而西南入緬界來電云勘左即潞江似未符合希詳示正月初四日

直督李鴻章致總署據鄧承修等報劃界近狀電

鄧李電與浦會議四次彼此據約堅持二十二日狄來轉圜請各派一人按圖指明改正處所然後歸兩國欽差定議修等派赫政與狄指商

清季外務部檔案卷之三十三 四
三次據云東西邊界尙可活動惟諒北難以寬讓赫再往返伊始允文淵至南關適中爲界持改正確據彼亦不能不遵查西界即不以高平省分歸我芄葑牧馬鐵廠保樂均在諒山以北且有莞江爲限東界光安那陽則有枝河爲限劃歸我境實與西例山水爲界相符惟關門至驅驢三十餘里直抵洪江中間山勢蜿蜒無可爲界諒高我旣全讓則洪江一水天然之限於理於勢俱所必爭擬請敕署堅持此說修等非敢過執緣關外邊疆逼仄非此無可設防現連日風雪浦師皆病師病重將歸因此續議稍遲請轉電總署代奏云云正月初四日

總署致鄧承修等迅將與法使議界情形電覆電

初三日未刻電已進呈前日戈接外部覆文當由北洋電達貴大臣應

已閱悉來電所述法均未允現惟懷遵初四日諭旨先勘原界其改正各節俟後再商日內與浦面議若何迅即電覆遵旨電達

正月初五日

直督李鴻章致總署鄧李如遵旨勘界必可相安電

昨晚接豪未電即召微席葉來轉告戈勿庸進京據稱已備照會送署旋接支申電即轉電鄧李周岑張倪聞戈亦接赫德電稍放心看彼情形似恐復有前年諒山之變鄧李如遵旨妥辦必可相安請代奏

正月初五日

使英曾紀澤致總署赴港議洋藥稅之員須慎擇電

赴港之員責任極重想署已慎擇其人欲港事速辦似宜請英使將約已批准中國一面照行之語先電英廷爲妥澤前電勘左即怒江想怒

碼誤潞正月初五日

滇撫張凱嵩奏英人據緬情形摺

附上諭及稟

雲南巡撫張凱嵩奏爲邊報英人詐取緬地詳細情形事竊英緬爭戰前迭據探報先後由驛馳奏並聲明緬中電信斷絕偵探頗難得實各在案嗣據新街探報十一月二十一日有難民至彼謂緬王已逃至錫蜡土司地面英據緬都而詳細情形仍多互異次日晚英輪五艘至距新街四十里之咱布底函召駐街緬官會議等情是洋船業經上駛緬都已自失守然究無日月可據當經飛飭續探去後茲於十二月十三日據騰越同知陳宗海飛稟十一月二十八日據瓦城坐探報稱英人之入緬也係稱送昔年出亡王子孃偶前來復國緬官誤信是以旬餘

即抵緬都後見緬人與戰復誘言和迨緬王派人會議仍執復國之言約定十月二十二日到城面定是日英師大隊擁入都城緬官問以王子何在彼云我即王子都人始悟其詐英即將緬王及宮眷用輪船送去漾貢從官僅四人餘悉生降惟各土司招降未至民人不服多在都城附近羣聚搶掠英人不能安撫法國駐緬之官斥爲賊盜行徑尙有爭論緬王亦預將王子二人交孃蓋坐把帶出欲圖後舉現有洋輪五艘上抵新街安撫商民照常生理等情前來臣維英人雖已襲據緬都而民人士職皆未服從且法人情形亦有爭論當茲大亂之餘更難保沿邊匪徒不乘機滋事內地防堵喫緊前已由督臣調派貴州古州鎮總兵丁槐帶練勇二千馳往現尙未一律到騰臣現已函商督臣妥爲

籌酌並令丁鎮趕緊赴防相機先爲布置一面移行該鎮廳先派標兵及各隘卡丁練分紮銅壁等關並調土兵駐紮蠻允不動聲色嚴密防範除將邊報二件鈔送軍機處及總理衙門查核外謹會同雲貴總督臣岑毓英恭摺馳陳謹奏光緒十二年正月初六日奉上諭張凱嵩奏英人詐取緬甸詳細情形一摺並由軍機處將騰越文武官探報呈覽均悉前據曾紀澤電奏英另立緬王管教不管政等語業經諭令該督等知悉續據曾紀澤電信有近商緬事頗順英擇緬教王候中朝俞允並照前呈獻潞江東地咸歸中國均將定議惟英政府因事告退須俟新政府到任再商等語是英於中國並無衅端惟前議尙在未定滇省邊防不容稍涉懈弛着岑毓英張凱嵩督飭丁槐等嚴密布置慎固邊

疆並將前奏招撫野人之議妥慎辦理一切情形仍隨時偵探奏聞

附騰越廳同知陳宗海報英兵入緬情形稟

敬稟者竊卑職於本月二十七日亥刻曾將辦理邊防情形具稟飛報在案二十八日卯刻接獲瓦城由旱路來報據稱探報早已書就因水路不通是以僱覓快足由旱路專遞前次探報英船四隻直抵緬降被列省薑蘊用大礮打壞一隻英人寫書誘和緬王派絞貓薑蘊等前往面會次日即有英船一隻停泊緬都城外江中先用小船傍岸與緬官等入城名雖聲言與緬王議和實則窺看城中有無預備十月二十一日英國帶兵阿也半名慈列墊與緬人會議英人謂緬王無道奉女王之命送前出亡太子孃偶來換緬王絞貓薑蘊等

即言既有太子承受緬祚不必妄動干戈以免百姓塗炭英人云我兵所到之處不肯傷害一人既然依議明日同到金城面酌可將軍器交來爲信絞貓薑蘊等回與墾蘊們已即傳電信到列省薑蘊本薑蘊等云伊國既送太子來換不必交戰可令各兵將軍裝軍器交與英人各自回去至二十二日午時墾蘊們已絞貓薑蘊正擬出城回話詎英船先將傍岸大隊齊擁入城俄頃後船亦飛駛上岸緬人並無阻擋直到宮門緬王調兵不及祇好任其施爲二十三日申刻英人將緬王及王太后等送下火船隨行僅有墾蘊們已絞貓薑蘊繆洗薑蘊貓蘊四人二十四日早英人開船送下漾貢安置聞英人進城之際緬王知事不可爲將二王之子二人交孃蕊坐把帶出囑

其相機圖復英阿也半入城後們已問孃偶太子何在慈列墊答曰
我卽太子們已始知中計後悔莫及英人當出令曰今緬國已歸英
國勿論大小官員仍照常辦事其俸祿仍照舊開支各客商亦照常
買賣現在瑞歹們已鄧打們已列省薑蘊本薑蘊但面薑蘊滿幹薑
蘊以及大小官員並無一人盡節尙在幫助英人辦各事不以爲恥
惟各山寨多有不服羣聚爲盜白晝在都城四五十里之外肆行搶
劫夜則直至附近城外十里前後擄掠英人不能安撫英阿也半欲
下法阿也半之旗法言我國先來尙不肯圖緬寸土爾國假送太子
爲名僞言議和不放一鎗一礮即圖緬國到手儼是盜賊所爲何嘗
名正言順我等奏明我王再同爾國公論乃止現法國之旗英人亦

未敢下所在都城土司坐把悉已逃歸英阿也半命緬官往喚各土司來投該土司等均不肯來看此光景定有動干戈之勢第此次英兵到城秋毫無犯商民安堵如故現在英火船五隻常往來運貨船十九隻餘俱小船兵止紅毛者五千人黑鬼兵一萬名共一萬五千人統兵阿也半及大兵頭各一人其先在們臘各處均揚言奉女王之命送緬太子孃偶來換緬王兵船二隻上插白旗白傘緬國沿江駐守將帥信以爲眞望風皆退是以未及旬餘而英人即至緬降遂據緬都至於前聞本薑蘊等用石填淺灘頭又放木排堵截英船以及與英人如何會議概係緬奸與英人私通朦蔽緬王之話並非實有其事各等情前來理合縷晰飛稟查核批示飭遵

閩督楊昌濬致總署據福領事述港督電盜案由京辦理電

周弁赴港獲盜一事已遵鈞示電港督略予好言尋由福領事函知水手已釋放並經粵督募律師前往按洋例索還盜犯茲復據福領事述港督電此事全由京辦理未知何意正月初六日

總署致曾紀澤若誤爭怒江之東則騰越轉歸界外電

前接徑電作潞江艷電作怒江徧查地圖怒江下游即潞江實在永昌西騰越東惟伊勒瓦底江在騰越西新街及阿瓦均靠此江來電似誤以伊勒瓦底江爲怒江此節最關緊要必應考訂明晰按圖伊勒瓦底江之東係野人界來電甘字似即指此若怒江東西本係中國地界今

若誤爭怒江之東則西面之騰越轉劃歸界外矣 正月初六日 國使界令

使英曾紀澤致總署英約批准已轉達洋藥事在港會

議電

英約批准已告歐使轉達洋藥事彼此派員在港會議署即請旨歐使亦即電詢本國歐云請貴大臣先告外部以免歧誤 正月初六日

軍機處代遞徐承祖論韓事函

附日人密探各事清冊

敬啟者近日因日本新年例停辦公金逆一事辦法尙未議定承祖閱李相函述袁世凱擬騙金逆上華船一層恐言之似易行之實難金逆人非痴呆其畏我拿捉更甚於畏朝鮮如日廷驅其出境伊必乘英美法三國公司輪船而去何能騙令乘坐華船且日本各港並無華船在

彼查日本素來玩抗伊尙不肯據金信拘辦又豈肯授權於我栗野所云恐係騙人俟伊回日後再行密探實情此事經承祖與井上榎本等反覆婉辯伊等已有活動之意鄙意且看其如何辦法再作道理至朝鮮派使來索愚見亦宜從緩緣日人剛愎恐韓使之來反激成抗違置金不辦今春韓使徐相雨來索金逆日人置之不理是其明證似乎韓使以不派爲是旣明知派使無益又何必使韓廷徒失體面哉歷觀袁守來電知該守人固明幹惟辦事似尙欠持重緣疊次由北洋轉來電報多有失實之處致令外務有所藉口與外人交接言語間關繫甚鉅若以後辦事仍不加思索恐無益於事徒貽國家之憂愚昧之見總祈轉回堂憲便中與李相商請轉飭其加慎爲要月前日本大更官制朝

比奈密探得各事茲將另摺照鈔呈上黑田等以管窺天語多悖妄然
既有所聞自未便因其出言不遜壅於上聞正月初九日

敬再啟者本日晤井上伊云栗野今早已由朝回東並無一人拿獲空
此一往直使各國聞之成一笑話現在金逆既無證據可憑礙難拘辦
然留在日本又啟彼此之疑且恐自由黨借其名字煽惑衆心此人惟
驅之出境任其所去而已承祖云尊論所慮甚是惟愚見金逆如去英
美尙無大害倘去俄國恐憂患又不獨在我國與朝鮮而已井上聞言
大驚定神半晌點頭謂尊論甚是貴大臣計將如何承祖云貴國逐之
總須能令我國拘之方好既與公法無礙而亂根又可除滅愚見貴國
送至香港我等請英公使信致駐港英督請其設法送至我境則可拘

拿井上云計雖好特不知英公使肯行否此事現在稍有端倪承祖擬明日去晤英公使亦以金逆赴俄動之或肯照行然未敢必承祖總竭力圖維如此議能成一面即密電粵督設法密拿容俟與英使及井上再商後是否能行當再電詳

附錄日人朝比奈密探日本各事清冊

十一月二十八日朝比奈來云我國既大更官制此事係黑田

薩司馬人

由中國回日即在我皇前奏請更變官制水陸營制數條茲謹奉聞

一、京中各部冗員太多宜裁去十分之四月可省五十萬元以此款

爲擴充海軍之用我皇及各大臣均允之

一、本國宜多建鐵路使全國血脉貫通轉運神速陸軍可裁一半計

每年可省四百萬元卽以此款為添築鐵路之用我國四面皆海軍極宜加多陸軍實可裁減遇有兵事隨時調集後備之兵（男丁入營三年後為後備之兵）皆可以戰緣我國自改男丁十八歲即須入營當兵三年之例伊等於步伐陣式均已習練非若中國所募皆烏合之衆也此二條我皇及各大臣均允照行

一、所設內閣總理大臣如派我黑田自謂其各部大臣須我熟識其才品者方好派充此條深為長門人所忌

一、榎本武揚前自俄國由中國新疆並統歷中國沿海各省回國會著有攻取中國以何處為難何處為易其山川險要土俗人情無不詳載足見留心時事若派此人為海軍大臣必可勝任此條我皇及

各大臣深以爲然惟海軍兵弁薩洲人十居其九必須本洲人爲其
大臣方能服衆故派西鄉從道爲海軍大臣改派榎本爲遞信大臣
俟資望稍深海軍大臣伊總有分國官商皆西武發難報中
一、中國自戰法以後於海陸各軍力求整頓若至三年後我國勢必
不敵宜在此三年中速取朝鮮與中國一戰則我地自關我國自強
彼時與中國地土相接再講交誼再看機會此條我皇不以爲然遂
派各大臣會議於改官前四日在黑田家聚議伊藤井上俱長門人力駁
此條伊藤云我國現當無事之時每年出入國庫尙短一千萬元左
右若遽與中國朝鮮交戰欸更不敷此時萬難冒昧至云三年後中
國必強此事直可不必慮中國以時文取文以弓矢取武所取非所

用稍爲更變則言官肆口參之雖此時外面於水陸各軍俱似整頓以我看來皆是空言現當法事甫定之後似乎奮發有爲一二年後則又因循苟安誠如西洋人所說中國又睡覺矣倘此時我與之戰是催其速強也諸君不看中國自俄之役始設電線自法之役始設海軍若平靜一二年言官必以更變爲言謀國者又不敢舉行矣卽中國執權大臣腹中經濟只有前數千年之書據爲治國要典此時只宜與之和好我國速節冗費多建鐵路趕添海軍今年我國鈔票已與銀錢一樣通行三五年後我國官商皆可充裕彼時看中國情形再行辦理至黑田云我非開闢新地實難自強亦係確論惟現時則不可妄動井上云中國之不足懼人人皆知無煩多論至黑田欲

即取朝鮮與中國動兵此時我國餉糈實來不及且使我與中高構
兵俄人勢必乘機佔取朝鮮彼時朝未取得餉已用去俄反增地非
特中國之憂我日本與俄更近東方無寧日矣黑由此議萬不可行
於是彼此大忤繼以詈罵而散次日伊藤將各情面奏且言現薩洲
之人呼朋引類多居要地若不漸削其權將來必難制服請自此次
改革之後凡各部官員均以分別科目考試錄用如此則有才者皆
可登於朝而援引之風不禁自息我皇深以伊藤之言爲是遂命伊
藤爲內閣總理大臣權位在各大臣之上黑田遂託病不出我皇亦
即未派伊事云云朝比奈又云此時我國事勢頗危恐薩州人不服
暗中謀殺伊藤如昔大久保之事則必有事於朝鮮與中國矣望將

以上各事便中告知貴政府爲要貴國一強各國自無妄念中日之交可永諺云官場如戲場我日本尤甚此我所以力辭官位前蒙貴公使給我薪費視今日各部之被裁撤者清高自在多矣 正月初六日

使英曾紀澤致總署俄請派員勘界斷不可允電

冬至咨呈到否澤因俄方藉勘界以佔地臘月咨俄言庚申界約云永無更改今俄請派員另勘界中朝難允澤意此案可由我派員密查不可允俄派員勘界 正月初九日

滇督岑毓英等奏履勘雲南邊界摺

附上諭

雲貴總督岑毓英勘界大臣周德潤雲南巡撫張凱嵩奏爲履勘雲南邊界謹將各路險夷形勢切實陳明事竊臣德潤於上月二十六日率

同江蘇試用道葉廷春戶部郎中張其濬戶部主事李慶雲兵部主事
關廣槐等在開化起程出勘馬白關都竜南丹古林箐一帶即沿南溪
河到河口汛保勝蠻耗等處臣毓英在開都督操防營未能偕往因派
記名道員岑毓寶安平同知凌應梧等隨同前往履勘畢後均於十二
月初八日回駐開化臣等查馬白關外約二里許即小賭咒河有雍正
六年碑記河北屬滇地勢平衍無險可憑河南屬越層蠻疊嶂峭峻異
常如敵人登高俯視凡關外營屯皆飛彈可擊翻山西南以都竜爲最
險從馬白至都竜有三路右路至都竜箐門南安中路至都竜漫美黃
樹皮南翁左路至都竜箐口南翁河船頭河紆繩渡其隘口有僅容一
人行者都竜爲三路咽喉扼守都竜則萬夫皆阻考通志輿圖內刊載

開化南三百四十里至交趾賭咒河爲界不得指馬白汛外之小溝爲賭咒河也自開化府起丈南丹都竜等處應在界內交趾領地結文亦云蠻耗馬白汛外四十里並係內地本國蒙恩賞賜等語值越南顛覆之餘豈能爲我守險昔受之天朝者今還之天朝在中國只收還舊界與另行改正者不同持論旣屬有根迎機不妨善導或當就我範圍至古林箐一帶深林叢竹高坡綿亘數十里回環起伏上爲馬白關聲援下爲河口汎策應實中路之要區惟沿南溪河到河口汎水道漂石擊舟順流如駛河口對岸即越之保勝中隔南溪小河河面約寬數十丈相距不及一里兩界之間別無隙地在昔爲輔車相依在今爲臥榻之側設埠一條似應於議商務之時會商改正以在保勝之下爲宜倘事

機可以轉圜於河口較有防範總之界務關繫匪輕法使到時臣等惟有加意聯絡設法論辯恪遵聖訓以會典通志爲體甌脫爲用務期爭得一分即有一分之益如有疑難請旨遵行不敢稍涉遷就謹奏光緒十二年正月初九日奉上諭周德潤等奏履勘雲南邊界陳明各路險夷形勢情形一摺覽奏均悉近因廣西勘界劃地較多法外部以與新約內稍有改正辦法不符堅持不允當經電諭鄧承修等先按原界詳悉勘明以後稍有更正再行妥商續辦如今春趕辦不及緩至秋未更勘並令轉電雲南一律遵旨按約辦理周德潤等諒經接到現據奏稱已將滇越界址豫爲履勘着俟法使到時慎遵初四日諭旨先勘原界以後酌度情形再議改正總勿預存成見致令該使以違約藉口別生

枝節另片奏請飭嚴拒法使由內地出關等語浦理燮前赴廣西由內地行走當經諭令李鴻章轉電阻止此後該使如欲由內地赴滇亦可仿照辦理

駐藏大臣色楞額等奏派員開導藏番摺

附上諭

駐藏大臣色楞額崇綱奏爲遵旨派員開導藏番並覆陳現辦情形事竊奴才等於上年十一月初三日奉上諭總理衙門呈遞曾紀澤函稱英國現派使臣馬科蕾來京專議印度西藏通商一事等因欽此並准川督丁寶楨錄旨咨請由藏派員開導前來竊維西藏自聖朝龍興伊始即入版圖沐厚澤之涵濡蓋數百年於此矣乃自光緒二年煙臺英約訂後始翺游歷西藏之議各國洋使接踵而來番民誓死相阻衆志

成城即貢生黃懋材道員丁士彬前次來藏因事涉懷疑亦皆盡力拒之由此以觀番情固執匪伊朝夕雖經前任駐藏大臣及臣等隨時剴切曉諭寬猛兼施無如藏番心如鐵石百折不回良由邊氓奉佛法爲正宗視洋教如冰炭兼以言語不通文字不同如操之過急勢必驅數百年歸順之赤子從而携貳於吾藏地孤懸絕塞餉絀兵單設激而生變臣等即捐糜頂踵何補涓埃仍上貽宵旰無窮之憂下釀邊陲非常之患彼族更將生心必指爲我之叛藩取之尤爲有詞俄人之索償款於伊犁此其明徵也且滇蜀之於藏衛猶堂奧之有藩垣藩垣撤則堂奧空虛自然之理興思及此每至午夜徬徨罔知所措惟有遵旨遴委曉暢番情之員切實開導臣等仍當指授機宜經權並用或喻以利害

或動以安危如荷聖主威福該番衆洗心革面降心相從當隨時黜陳以慰宸廑此乃於曲全大計之中作萬一希冀之想然藏番頑冥不靈能否遵從實難逆料即使開導或有成效亦不能期以歲月應請飭下總理衙門俟英使馬科蕾抵京務將藏番頑梗藏地瘠貧一切情形與各省大有區別實非可以通商之處詳細告之庶可息其窺伺之萌即以杜侵陵之漸倘英使必執游歷前議亦必俟開導有成番情移轉臣等奏報到時方可前來切勿貿然逕行以致激成邊患失好海邦不勝悚惶待命之至謹奏光緒十二年正月十二日奉旨覽奏均悉即着飭令崇綱等設法切實開導並隨時咨行丁寶楨詳慎妥籌會商辦理

勘界大臣鄧承修等致總署先勘原界有二難一害電

奉旨先勘原界再商改正修衡等再四籌思附界居民畏法虐政不願改隸者不下數萬修抵龍州紛紜呈訴若先勘原界彼必驚疑恐遮道攀轅因而滋事難一游勇近攻得保樂牧馬以東千百爲羣道路梗塞若乘間邀擊法將咎我別生枝節難二原界俱在亂山之中十不存五懸崖疊巘春瘴漸生加之霖雨人馬不前難三旣勘原界彼必颺去新界必無可商豈惟驅驢文淵亦不可得關門失險戰守俱難害一文淵已失諒北無寸地屬我勢必脅我關內通商邊營盡落後着揖盜入門已棄越地復失粵地害二修衡等不敢畏難亦當慮害初十日與浦等會議彼即詳述廷旨先勘原界修衡等以廷旨不敢不遵約文亦當依據且以三難相詰浦即云先勘南關餘俟秋末顯係包藏禍心修衡等

答以可行但勘界改正是一事舍此別無辦法並責浦以前議活動今更棄之殊非情理祇好暫罷浦語塞始轉圜定十三日再議請代奏正月十二日

直督李鴻章致總署鄭使電美土人戕害華工電

駐美鄭使十一來電洛士丙冷滋鬧後舍路埠殺華工三人搜布曾文煤礦華工財物被傷害不少他埠逐華人阿路美煤礦搜搶衣服均拿匪未辦焚山謀用炸藥殺害未成餘埠謀逐華人已禁止此皆臘月以前與外部商辦之事藻已於六月十三四號信密陳頃舍路又催迫華人遷徒外部調兵斃洋黨一傷四總統又出璽示亦未全徙現美西境各埠危言愈熾華人失業者衆總統外部尙要好地方官不出力在美

催辦無濟且恐終受巨禍擬請總署援約照會駐京美使電請總統設
法速衛各埠華人以救近災保久安再藻前信言彼陋習乞秘之又去
秋舍路殺害五華人恐有別故擬緩提舍路即司地路云云乞酌辦正
月十三日

直督李鴻章致總署倫敦電法派大員往越電

倫敦十一來電法新派大臣波路貝德已往東京其幫辦即派天津總
領事狄隆云正月十四日

舊金山中華會董致總署土人殺害華人求請美廷保

護電

現在美國舊金山土人與華工又復作亂該處百姓與商人皆受其害

其產業被毀者約值五十萬元美國百姓被殺者約有四十人並無賠償因此美國西境一帶之百姓均被亂人驚走而該處中外商人皆大受其害且此次作亂於美國百姓之產業生命以及各項工人大有危險按此顯與一千八百八十年所立條約不符理應電報貴衙門務求即行轉請美國朝廷設法保護中外商人而安美國百姓幸甚盼甚舊金山華商會館董事等謹稟正月十四日

直督李鴻章致總署法使言北圻有粵兵輪上岸請撤

回電

附旨

頃法繙譯來告戈使接外部及越帥電北圻廣安省先安州東南海濱九頭山內有廣東兵輪四帆船六弁兵無故登岸似將佔據實違公例

法擬調兵船往詰恐開衅求電總署轉飭撤回等語乞速酌辦正月十六日奉旨本日據李鴻章電稱法使接越電北圻先安州九頭山有廣東兵輪四帆船九弁兵登岸似將佔據法擬調兵船往詰等語覽奏不勝詫異此事既無論旨該省又未奏報何得遽爾派船前往恐係訛傳不確現當分界未定豈可自生枝節貽人口實着張之洞迅即查明電覆若果有其事即着剋日撤回勿稍延誤

總署致曾紀澤商辦洋藥善後專章電

洋藥事奉旨派邵友濂赴港商辦赫德云辦法須先與外部商定較易就緒赫擬在港設躉船各條前已函達又續擬印度裝運一條凡印度出口洋藥祇準英船及允從新章之他國船裝運不從新章者不准裝

運其中途英國各口岸如檳榔嶼新嘉坡香港等處一律辦理赫已將前後各條函知潘侍郎聞英廷正在商議希閣下即向外部商明添立洋藥善後專章庶可杜絕偷漏之弊否則恐港督梗議仍與事無益正
月十七日

直督李鴻章致總署朝鮮請添設釜山至漢城電線電

袁守來電韓外署照會開敝署與日本公使訂立添設釜山至漢城電綫約條內載六箇月內興工轉瞬屆期不能不早爲籌辦惟敝邦人不熟電務籌款維艱一時未易興辦竊查去夏訂立義州至漢城電線合同第三款有二十五年內如朝鮮政府有欲擴充添設之處仍須由華電局承辦等語今釜山設綫亦應請華局承辦請煩貴總理北洋大臣

顧全大局設法代辦至一切應立續條統候北洋大臣核准詳議云云
乞諭便照覆外署並約同陳守議立合同已囑外署分照陳守云除覆
准行外合電聞正月十七日

直督李鴻章致總署鄧使等電劃界事中路可先定電
鄧欽差等十六電諒北至關門可設埠者惟驅驢文淵兩處文淵山多
而逼十五日會議狄己面許文淵保樂海寧三處歸我若戈使願在驅
驢通商則擇文淵驅驢適中之地爲界中路或可先定餘如牧馬先安
等處照尊議少緩再議請與戈詳酌再芄葑距龍州甚近地在諒山以
西戈若指作商埠望照約力阻鴻頃電覆以狄許文淵就該處設埠通
商浦能允否戈意不但不肯在驅驢設埠且欲在我境難與酌定若浦

允則可強逼戈至芄葑無添商埠之說云云正月十七日議與商部

勘界大臣鄧承修等致總署法允文淵海寧保樂歸我

電

十三日派王道至文淵與狄議極言先勘老界與原約實有窒礙反覆
辯詰狄允文淵海寧保樂三處可以歸我十五日狄來復派王李兩道
與商所言改正三處尚無異詞而牧馬先安等堅執如故惟言保樂海
寧附近可稍寬展修衡等查牧馬以東河流入關地據龍州上游最關
緊要較先安尤重俟續議再商請代奏 正月十七日

使日徐承祖奏添設新瀉等處理事摺

出使日本大臣徐承祖奏為原設橫濱領事兼管通商四口事繁路遠

勢難兼顧擬請派員分管俾資保護而專責成事竊據橫濱理事官阮祖棠稟稱查中日通商章程內開日本橫濱神戶長崎築地箱館大坂新瀉夾港共八處當時因橫濱神戶長崎等處華商最多經前任何大臣於該三口各設領事官駐紮約束商民以築地箱館大坂三口華商較少選令橫濱理事官兼管築地箱館以神戶理事兼管大坂其新瀉夾港二口彼時無華商尙未議及自光緒十年間漸有華商前往貿易復經前任黎大臣酌定將該二口暫歸橫濱理事兼管近年來箱館新瀉夾港三處華商漸衆時有交涉事件該三口均隸日本北海道距橫濱路程數千里遇有要事實有鞭長莫及之勢冬間該處海口一凍遇有案件必須行經內地往返更需時日理事官以橫濱築地兩口事務

繁重又不能一日遠離可否稍爲通融嗣後箱館新瀉夾港三口專派一員前往擇要駐紮作爲理事官約束保護該三口商民俾得各專責成於公事不無裨益等因據此查箱館新瀉夾港三口距橫濱路程甚遠該理事官所稱難以兼顧委係實在情形惟該三口華商貿易究屬不多若專設理事官前往駐紮則於各項公費開支太鉅第仍令橫濱理事兼管設遇有要案該理事一身不能兼顧又恐貽誤公事本年八月間新瀉華商陳承文製造日酒出售該國外務卿以有礙日本稅則各國商人俱已禁止屢次照會請代查禁臣因新瀉相隔路遠恐兩國商民因此滋事又恐該處日官以我無官在彼自行拘辦有礙全局而橫濱一口交涉事又極繁該理事事實難遠離當委橫濱理事署中隨員

劉坤兩次馳往查禁該員辦理均尙妥協茲擬即將該隨員選用通判
劉坤請賞給副理事銜專管箱館新瀉夾港三口之事每年分冬夏兩
季前往該三口查閱兩次平時仍駐橫濱理事署尋常公事仍由郵信
往來遇有要事卽由該員隨時前往辦理似於公事較有專責而經費
不至過增倘以後該處商民日盛事務漸繁臣再當察看情形奏請派
員專駐如蒙俞允由臣酌定章程咨商總理衙門並分飭遵照至劉坤
旣擬派令專管該三口之事橫濱理事署應補隨員隨後當再揀調請
旨遵行謹奏光緒十二年正月十七日奉旨着照所請該衙門知道

滇撫張凱嵩奏籌辦緬甸邊防及開礦情形摺

附上諭

雲南巡撫張凱嵩奏爲緬甸邊防喫重謹將布置防範並亟籌礦務以

杜覬覦事竊奉光緒十一年十一月二十九日上諭據總理衙門呈遞李鴻章信函並鈔錄法人嘉爾花來信其於英人有事緬甸言之甚詳等因欽此臣維英之併緬志在通滇與法之據越南同一用意滇省西南兩面強敵憑陵誠寢不安枕之秋也近日騰越探報絡繹而來一云英據阿瓦後分兵千餘至新街緬官悉降議以六百人駐新街以四百人紮緬界之蠻幕並招致附近野人前往商議祕不及聞一云緬王子二人出亡現在瑞波老城緬臣同心保護共圖恢復號召四方緬都及新街降官亦復密商內應稔詐土司誘殺英兵數十人一云緬都有警英兵僅留五百人駐紮新街其餘兵丁船隻概行撤回阿瓦防守昨領事官阿大雜遣派緬人齎遞字帖來騰大意約與我各守疆界照舊通

商更加和好等語據此情形緬旣叛英立足未定當無得隴望蜀之思而騰越實與毗連督臣已派古州鎮丁槐帶兵二千會該鎮朱洪章集兵守隘臣復飭令該廳陳宗海調集練團確偵嚴防並派武職李生道杜秉陽等徧歷野寨撫慰野貫給賞羈縻咸踴躍歡呼願爲我用暫時似尙無虞據法人來信英人志在大理勸調黑旗招集東京散勇駐屯永昌等府誠如聖諭顯係進退失據藉我紓難實已燭破其奸夫英法之迹雖分其心則合彼蜚駟相依多方以愚我大言以恐我惟當持以鎮靜隨時審酌機宜大理地在腹心距騰越約七百里向有法教堂查無英人設立回回教堂之事我軍現擬紮騰越實在永昌大理之前可爲屏蔽顧臣所籌慮者不止騰越一路也如順寧府屬通緬木邦中間

雖隔土司殊不足恃若由緬之孟良直趨九龍江至普洱之思茅廳路祇七站至府城二站尤爲便捷冬初有英領事班瑞者持照來滇聲稱前往思茅察看洱茶生理阻止不得情涉可疑又臣曾接李鴻章函謂英人有從西藏造火車路以達金齒關之說金齒關在麗江府境凡此數路皆與大理相通滇以患貧患寡之區西南袤延數千里若處處設防無此兵力實亦無此餉需且入冬以來協餉無一至者督臣大軍在外缺餉萬分力更難於兼顧臣聞沿邊團練尙稱勇悍該民人事關切己意能奮力捍衛鄉閭現在詳立規條嚴行誥誡分派委員會同地方官整頓鼓舞倘值緊急層層設伏擊之勿使闖入一步惟查光緒二一年煙臺和約有准英人在大理府通商一條彼如擾累至境執通商之

說而來拒之慮起衅端納之恐多叵測究應如何辦理之處相應請旨
遵行再雲南礦利彼族已久垂涎現在東川楚雄麗江永北均有銅廠
而蒙自錫廠馳名最遠距邊最近此外礦苗所在多有開辦乏資前撫
臣倡議招商迄無成效臣思各省關欠解銅本二十餘萬如數補解亦
可有爲懸盼至今均未咨覆實無以供擴充之用而杜窺伺之萌臣蒿
目之餘不敢徒託空言稍有隱飾謹奏光緒十二年正月十九日奉上
諭張凱嵩奏邊防喫重謹陳布置防範一摺英緬構兵一事疊將曾紀
澤與英外部辯論各情諭令張凱嵩知悉現在議論未定尙不致遽啟
衅端大理通商載在煙臺條約十年來未經開辦如果該國照約辦理
自必照會總理衙門商訂一切屆時再行諭知該撫遵辦該省邊防目

前仍應嚴密布置所需款項本日經戶部議奏已諭令江蘇等省將前飭令籌解欠解三分之二提前半年趕解至礦務必應迅速籌辦各省關欠解銅本銀兩即由該撫查明數目分別咨催

粵督張之洞致總署論欽州九頭山形勢電

欽州海面界連越洋查九頭山孤懸海中素爲海盜逋逃之所伺便出規瓊廉雷商民屢見歷年奏報此地在我東興司海口外西南約百里在越新安州口東南二十餘里雖稱越境居係華人去冬洋盜屢至欽州水陸劫掠商民紛紛呈控指係九頭山匪馮督辦疊咨請派船出洋巡緝正月十五日接馮電我船追捕至九頭山獲匪十八人而還十二日回至龍門法有兵船來探旋即駛去囑電鄧李與法議正界限等語

查此地狹小荒瘠去東興近去海寧甚遠海寧府歸我則此山應爲華屬荒莽藏盜華洋均害若屬我則我能捕盜中外商民均利即不然或與法商作爲兩不屬之島若有匪徒彼此知會均可往捕均不駐兵亦當易行除電鄧李酌議外謹先電聞請代奏

正月十九日

粵督張之洞致總署兵輪在欽州九頭山捕盜並無據

地電

九頭山捕盜事頃電奏甫發適接北洋電因閩線斷頃始到旋奉十七日電旨查此事于去臘二十七日奏報在案洋盜劫掠欽州一帶水陸甚熾供係九頭山匪故由洋面追捕至該山登岸獲盜即還其地在華越之間向爲法人蹤跡所不到當時到岸擒匪無從知照法人此因追

盜至彼與爭界適不相涉更無駐兵佔據之事與近日閩遣船赴香港捕海盜事相類而荒山無法人議界又未定與香港又有不同斷無不奉明旨而往據地之理且窮荒小島據亦無用洞雖愚戇不至於此此乃法人誤會以後仍應照前奏各節與法議明除電北洋鄧李知照法使外謹覆陳請代奏請李中堂告戈使正月十九日

閩督楊昌濬致總署香港盜犯亟須按約索還電

港盜案遵諭將張阿知被控搶劫十二起及舊犯供指各案稟控均錄送粵督作證據轉達連接粵電事尙未定閩巡船暫留質證已續獲張野等語當查張野案再送粵其墊給律師等費用由閩籌還此起盜犯罪惡貫盈必按約索還於中外商船均有裨益祈力與公使言之正月

十九日

直督李鴻章致總署鄭藻如電洛士丙冷案美交議院

議賠電

鄭星使來電洛士丙冷案十六接美覆文有交議院議賠語俟議若不
公再駁外部又有資遣華人意藻恐名爲資遣實圖驅逐且將來華人
遇害更藉口以推卸保護之責流弊甚多故未允之乞達總署

正月二十日

粵督張之洞致樞垣請救電鄭使商美廷保護華工電

香港華商電稟接金山中華會館電美國西人攻擊華人焚毀財物五
十餘萬人亦死傷不少華人實不能安生求稟知粵督並知照愛育堂
等語愛育善堂係粵紳商公所必動衆憤恐生事端頃英美各領事來

函亦甚恐懼現已飛諭愛育善堂及香港東華醫院告以朝廷已極力理論保護勿得紛傳並即託其電本國禁約弭患及籌備彈壓竊思息事惟有探源懇勅總署速電鄭使商美總統竭力保護懲儆免中國洋人不安若金山電事有轉機羣怒自息請代奏正月二十日

直督李鴻章致總署與法使議通商減稅電

午後戈使來議通商章程至照稅則減五分之一謂其外部訓條必不准行鴻告以廷議已定無可商改相持半日而散似將從此罷議彼意欲照俄約減三分之一俄遠越近礙難援例請代奏正月二十二日

總署致李鴻章九頭山捕盜案希告法使勿誤會電

粵督電云九頭山捕盜一案已電北洋希告知法使勿誤會

正月二十二日

總署致曾紀澤黑龍江之簇粗魯海圖卡係中國地不

准外人開礦電

簇粗魯海圖卡內係中國地外人豈得開礦現已行文黑龍江防範薩比湯所請應由貴處切實駁斥正月二十二日

直督李鴻章致總署法使謂商稅若五分減一他款皆不必議電

昨商稅則戈謂若五分減一他款皆不必議鴻謂前無此辦法彼臨行云再電外部請示欲我亦電奏請旨告以無須請旨似應俟其外部覆電倘竟因此罷議或商土貨減三之一洋貨減五之一西例洋貨進口稅重土貨出口稅輕或全免甚有理鈞意若何正月二十三日

清華外史 卷六十三
總署致李鴻章請對法使堅持減稅函

逕啟者昨接養漾兩電已進呈所稱廷議已定無可再改持論頗堅甚
愜上意醇邸亦以堅持爲正辦查戈使貪狡無厭於議界一節不肯令
浦稍從鄧說而我將約中改正之語暫且放寬弗與力爭業已意存減
讓至稅則一層我已允其五分減一實與約文較減之語相符彼反爭
執不休即果因此罷議斷不能謂我違約且安知非彼設詞恫喝故相
嘗試若遽與遷就恐中彼狡謀自不如姑與堅持相機操縱將來必不
得已或洋貨抱定五分減一而以減三之一爲土貨放鬆地步既合西
例亦利華民尙是通融辦法或以彼讓界址我讓稅則爲言兩相抵制
然此第可留爲末着總期台端盡力維持察看情形再行酌辦不可遽

許通融致令其得步進步也正月二十三日

直督李鴻章致總署袁世凱電日欲逐金玉均至美電

袁世凱二十四電頃英貝領事云緬甸事已定英立王代治仍進貢於華又接英駐日公使來信日意將逐金玉均至美又云至香港又云至上海此三策均非赴美必旋至俄至港何干英事至中華何以處之不如仍在日拘禁之爲妥凱云在日韓必疑日有礙交誼仍未甚妥等語
正月二十五日

總署奏派赫德赴港會商洋藥新章片

奕劻等片 再洋藥新章前往香港會商一事江蘇蘇松太道邵友濂業已到京遵旨來臣衙門商議一切並與總稅務司赫德迭次會晤逐

加講求以期周妥惟開辦新章既須慎之於始尤在與香港英官訂立
妥善章程方能杜絕偷漏涓滴歸公查總稅務司赫德辦理稅務二十
餘年諸事妥協所有防弊章程深爲熟悉臣等公同商酌擬添派赫德
同往香港會商既可聯中外之情亦可取切實之效如蒙俞允由臣衙
門札飭該總稅務司遵照同往理合附片具陳謹奏光緒十二年正月
二十五日奉旨依議

勘界大臣鄧承修等致總署浦使議界悔改前說事迄

無成遵旨秋末再議電

附旨

十九日派王李兩道赴文淵與狄商牧馬先安狄仍堅執因改於文淵
以西照舊界展寬三十里東十五里狄允與浦商本日與浦使會議詢

以三處及改正事狄云我原說可商浦則佯爲不知詞語閃爍狄係浦派豈有不知顯係接戈電意在悔滅前說令我事敗垂成修等告以狄前允三處並親繪文淵草圖竟可食言我之改正亦必以淇汛芻蕘牧馬先安爲斷浦臨行出法文一紙譯與前說略同聞近日芻蕘以西游勇肆擾浦一夕數起將去情露兼春瘴已發議迄無成自當恪遵前旨秋末再議請代奏正月二十五日奉旨鄧承修漾電均悉前電諭先勸原界再商改正原因北圻未靖春深瘴起彼必自退然後以秋末續議爲結束彼自無以藉口乃該大臣等不能體會此意空言爭執迄無成說至此次仍有我之改正必以淇汛芻蕘牧馬先安爲斷等語若果從此罷議彼必以違約爲口實預留後日爭端辦法殊屬非是着鄧承修

清季外交史料卷六十三
一五
即知照浦使狄所允商伊既翻悔不認則遵旨先勘原界之議更不可
緩即約彼迅速會同履勘所爭新界暫置不論如彼因瘴求去則我仍
是照約結束彼更何詞可藉該大臣等辦理此事務存遠大之識切勿
見小拘執致誤大局慎之

使法許景澄致總署欲改界議須宕商務以爲牽制電
法廷未將所議情形商議院現無所聞澄意欲改界議須宕商務以牽
制之正月二十五日

直督李鴻章致總署鄧李電稱法使劃界狡展情形電
鄧欽差李護撫二十五來電二十四日照會法浦使謂光緒十二年正
月初十日日本大臣與貴大臣在座面約各舉一人就圖商議本大臣當

於本月十三日派王道臺到文淵與狄使臣商議當經狄使臣以海寧文淵保樂三處答爲可商本月十五日狄使臣到南關王李兩道臺皆見商議狄使臣仍只以海寧文淵保樂三處爲可商是日狄使臣且繪文淵後日劃界圖一紙以備查看本月十九日王李兩道臺又到文淵遂議以東自海寧起沿老界至芄葑後稍移老界出十五里自芄葑後起沿老界西自保樂稍移老界出三十里合計海寧文淵保樂三處爲改正地方約明自驅驢至高平之路不在內狄使臣答以此亦可商二十三日貴大臣到南關會議狄使臣仍說此三處可商實有此語究竟本月初十五兩日狄使臣許以可商之海寧文淵保樂三處貴大臣能否劃歸中國十九日所議改正之界貴大臣能否劃歸中國若貴大

臣於本大臣等疊次所議及狄使臣所許爲可商之處均作爲罷論此
後春瘴漲發須如何辦理卽乞酌定務須彼此可行云云謹錄呈狄係
浦派則非私議圖係狄畫則非誤聽今狄不認許我而改認可商明係
戈電浦作崇請轉總署鴻查二十二會議商約時戈接外部電詢其何
說戈云狄若許文淵必能允詢浦議難成進止若何戈云浦電未提似
尙不遽罷議合併電聞

正月二十六日

直督李鴻章致總署李興銳稟鄧承修剛復拖延事敗

垂成電

前接李道興銳電以議事不合力竭病重已稟鄧即日南歸請就近據
奏鴻覆勸忍耐暫留頃該道二十六日密電鄧公於重大界務前不遵

旨後不迎機議駁謬欲一切拖到秋後弗顧彼族反覆要挾之端邊防
狼狽夷據之患忠謀苦口始終剛愎近日銳與王道極力斡旋反以譎
計掣肘事敗垂成積愧成怒辱罵百端且迫之去銳性褊急大相頂撞
拂袖離關非此辱縱病斃不去也中堂不允據奏祇得暫留龍州聽候
停議聞法人極願速了機不可失乞中堂婉勸戈使電浦議定草約秋
後再勘庶可對朝廷省後悔統祈鈞裁云云此事本不敢上聞但邊情
緊要李道樸直向不說謊謹以密告戈屢晤亦冀鄧速遵旨妥辦 正月

二十七日

直督李鴻章致總署據法領言稅則減五分之一必不

能允請照俄約辦理電

附旨

午後法總領事狄隆來言戈接外部覆電稅則減五分之一必不能允若允必被議院駁斥仍請照俄約等語狄謂中國難處似慮英將於緬甸邊境通商援照法准允禁洋藥不進邊關倘英欲照減稅則必不肯禁洋藥自足制英且約內可聲明現在邊境甫議通商生意尙少暫減三之一俟十年修約如生意茂盛再議加稅鴻仍未許然慮英將援減以禁洋藥相抵制似亦有見姑以請示總署宕之戍正狄復來云商約不可因此罷論戈擬將稅則暫擱另議他款界務既有翻覆我當迎機而導訂於明日午後來署會議如他款無甚波折再落到漾電末着或可就緒請代奏正月二十七日旨電鄧承修二十五日電亮可奉到此事法願速了着鄧承修遵催會勘倘立草約必須聲明兩國因瘴起商

允秋後再勘切勿膠執已見致干咎戾一切情形隨時奏聞

正月二十八日

勘界大臣鄧承修致總署俟界務可緩擬回龍州就醫

請代奏電

南關無屋可住茅棚風雨連旬從官皆染病修始腹脹夜不能寐入春後足跟忽腫痛飲食日減恐春深瘴重病益不支現仍力疾與護撫商辦俟界務可緩即擬回龍州就醫請代奏

正月三十日

直督李鴻章致總署勘界事已電鄧承修先立文據電

頃電鄧欽差戈云外部電浦暫住文淵候公等如何變計與說二十八日戈已電浦通融商辦戈云半月後瘴發可先勘原界一二段再說或先就不關緊要處會勘一段先立文據餘俟秋後再勘祈酌辦等語正

月三十日

總署致李鴻章請轉鄧承修速辦界務電

密儉電已進呈仍恪遵前旨迅商勘界事務勿因病遽行回龍緩辦之
議亦不得自我先發致滋藉口遵旨電達即轉電鄧大臣

正月三十日

清季外交史料卷六十三終

清季外交史料卷六十四

光緒十二年二月

目錄

直督李鴻章致總署朝鮮諸閔亂政李是應求來津電二月初一日

直督李鴻章致總署與法議界務既將歇手商約宕否乞請旨電附

旨初二日

直督李鴻章致總署雲督電法兵勝越及勘界情形電初二日

滇督岑毓英奏覆陳滇緬邊務情形摺初二日

滇督岑毓英等奏法人改立越君並接越臣稟函據情代奏摺附原

稟初二日

旨寄曾紀澤着俟英緬事議定後回華電初二日

使英曾紀澤致總署英緬事決用剛柔二策電附旨初二日

直督李鴻章致總署法使欲進口稅減五分之一出口稅減三分之一電

初三日

旨寄張之洞外傳該督因美國華工被害將圖報復有無此議着電

聞電初四日

旨寄鄧承修先勘原界如病重不能往着李秉衡會勘電初四日

直督李鴻章致樞垣轉張之洞電代鄧承修疏通電初四日

勘界大臣鄧承修致總署病勢日增已與狄使商緩至秋末勘界電

附旨初四日

桂撫李秉衡致總署與法通商宜在諒山以北之越地電附旨初四日

粵督張之洞致總署美害華工領事來牘道謝西人因懼生訛乞商

禁電初六日

直督李鴻章致總署報法使來議稅則將定局電初七日

使英曾紀澤致總署與英議緬甸事倘照例貢獻可否了結電附旨

初十日

滇督岑毓英致總署請飭曾紀澤不可誤認潞江電十一日

使英曾紀澤致總署爭存祀未得不宜遽定界務商務電十一日

總署致曾紀澤岑電與英議界潞江東地歸中國斷不可許電十一日

諭岑毓英已飭曾紀澤改正潞江之誤電十二日

使英曾紀澤致總署遵旨力爭緬祀並潞江下游電十二日

勘界大臣鄧承修致總署法使定勘界日期電十三日

川督丁寶楨奏籌備川省邊防摺十四日

川督丁寶楨奏廓爾喀爲西藏屏蔽請予嘉獎片十四日

滇督岑毓英奏緬人齎書備貢求援摺附上諭及原書二十四日

總署致曾紀澤爭緬祀須給照會並索照復電二十七日

清季外交史料卷六十四

男希隱亮編

黃巖弼夫王彥威輯

孫孝章敬立校

直督李鴻章致總署朝鮮諸閔亂政李是應求來津電
袁世凱本日來電李是應事已諄詳排解俱面從心違又生媚忌近日
應病韓不准醫而更搜捕其僕從於應門外頃應來信定求赴津凱日
睹甚難忍視已將其來信送韓廷並開導如再不聽可否准是應赴津
以備垂問云云諸閔嫉是應必欲害之去臘應求回津厲袁阻勸如其
自來似難拒絕二月初一日

直督李鴻章致總署與法議界務既將歇手商約宕否

乞請旨電

附旨

昨戈來議章程至十七款內在通商處改造土貨及開礦鐵路兩案均允刪惟華人與越人爭訟歸華官審理彼堅不允必欲法官會審稅則洋藥兩項云候外部回電再議一次此約可成似仍狄隆前說鴻謂進出口稅減五分之一必不能少洋藥禁否無甚關繫恐一次議不成我要進京伺候陵差如難就緒回時再議戈艱然曰若如此彼亦即進京了聞戈欲速定商約四月彼回與朝鮮議約若我始終堅持稅則彼必罷議而去即照署電出口四分減一彼未必依現與姑作翻騰看其如何舉動界務既將歇手商約宕否乞代請旨遵行二月初一日奉旨朔

電已悉戈使所議商約如一切各款均於中國無損則土貨出口減稅一層倫不能議到四分減一或即照前電減三之一與之定議着李鴻章妥籌辦理勿因界務再宕

直督李鴻章致總署雲督電法兵勝越及勘界情形電雲督岑電法兵於正月朔抵屯關阮光碧等退入小谷阮仲光迎降爲之前導於十二日抵文盤遂至龍魯距保勝九十里英現飭各營嚴守滇界如果法人安靖俟其到邊商勘界務請代奏云云鴻聞戈使言法已派兵赴西北剿匪清路待浦與鄧勘界畢再赴雲邊似無另派有人

勘雲界二月初一日

滇督岑毓英奏覆陳滇緬邊務情形摺

雲貴總督岑毓英奏爲陳覆滇緬邊務情形並接據騰越稟報譯呈英人齋投文書緣由事竊臣於光緒十一年十二月二十一日曾將英據緬甸滇省西路邊防喫重需餉甚急各情奏陳在案旋奉諭旨一道並鈔發法人嘉爾燕所寄李鴻章信函一件臣查英人佔據緬都獨專其利法人頗相齟齬嘉爾燕此信冀藉中國之力指東擊西一以挫英人於緬甸一以驅游勇於越南彼乃得據越分緬兩收其利狡譎之謀難逃聖明洞鑒復查大理府爲滇省迤西奧區不與緬甸交界其出緬道路一西行八站出永昌府一南行六站出順寧府始與緬甸接壤永昌府屬之騰越龍陵兩廳順寧府屬之雲州緬寧廳距緬較近而騰越廳尤爲出緬衝途外人窺伺必由此路但其間多隔野山自龍陵以達順

寧緬寧普洱思茅各府廳縣邊地皆有土司間隔惟與永昌順寧接界之班隴地方不歸中緬管轄爲迤西逆回餘黨藏垢之所英人既有覬覦內地之志則勾結煽惑自在意中防範尤宜加緊現經檄飭各屬將現有之兵約齊鄉團卡練扼守要地復派總兵丁槐前往布置惟兵力尙單應俟丁槐查看情形稟報到日再行陸續添布前遣都司杜秉陽等分往野山招諭茲據稟稱此輩野人非啗之以厚利不足以結其心亦經密飭該都司等相機辦理其大理礦務前因招商開採折耗甚多集股遂不易易惟有與撫臣張凱嵩極力設法招集並籌儲官本悉心開辦以免外人垂涎頃據騰越鎮總兵朱洪章騰越廳同知陳宗海稟稱光緒十一年十二月初十日英官阿太雜遣緬人齎投緬文書一帖

到騰當經譯出大意謂英已據緬華商等仍應常往緬貿易英人亦如緬人當日關照仍循舊規各守疆界往來通商等語並據甸人面稱奉新街緬官密心蘊直島密囑轉稟英人貪得無厭吞噬緬官等強弱不敵祇得詐降近日蘊及瑞波稔祚各土司與兵圖復英人分兵防堵水陸消息不通本欲具稟懇乞發兵進討又恐英人知覺受害倘蒙天朝垂憫屬國興師問罪大兵到境緬官當先獻新街又轉據舉人張成濂報稱探得瓦城各處英兵屢被緬人誘殺由緬都至新街緬官與猛拱蘊稔祚各土司聯成一氣均已叛英英人首尾難顧其現紮新街英兵五百人英人祇有百人餘皆印度及土夫人等各情前來臣查迭據探報英人甫至新街即欲修路上通蠻幕並招集野人之曾經入教者紮

近新街各處居心實不可測現因緬人多叛英兵分回瓦城駐守自顧不遑乃輒投文騰越乞請守界通商其意實恐中國興師問罪足以乘其敝因特爲和解之策以便專意經營緬甸無所掣肘惟近日法人由粵交界文淵地方分兵至牧馬茆葑驅逐游勇該游勇數萬逼處滇邊開廣接界之地南路邊防尤爲喫重分兵則防疏添兵則饜絀其滇緬一面只有暫飭朱洪章丁槐等督同各屬文武員弁嚴守疆界稽查出入並飭防兵密緝奸宄以遏亂萌應否准聽華商照常往緬貿易之處相應請旨飭下總理衙門核議飭遵除將騰越遞到譯出英人齎投緬字文書鈔錄咨呈軍機處暨總理衙門查照外謹會同雲南撫臣張凱嵩恭摺具奏光緒十二年二月初二日旨覽奏具悉英於中華本無

弊端華商往緬貿易正可聽其自然以期營業發達

滇督岑毓英等奏法人改立越君並接越臣稟函據情

代奏摺

附原稟

雲貴總督岑毓英勘界大臣周德潤奏爲遵旨查明法人改立越君並接據越臣阮廷潤等稟函乞請代奏各情事竊臣等前奉諭旨聞法已改立越君是否確鑿並着周德潤鄧承修訪查奏聞等因欽此當於前摺聲明由臣德潤臣毓英密派妥人前往越南查探確實再行奏報在案茲據派去差弁行抵越南錦溪縣探明回防稟稱轉據越南禮部尙書阮光碧聲稱該國推戴嗣子阮福明被法逼逐遷居廣治號召北圻應義諸軍力圖興復尋即遷入乂安河靜扼要進取附從益衆法人知

下國臣民未忘舊主勢難自立乃於光緒十一年八月與下國叛臣阮文祥阮有度等擁立先國王少子阮正蒙佔據富春改號同慶人情仍不順服並將該國原山興宣總督阮廷潤等稟函一件交差弁帶回乞請代奏等情前來臣等伏查法人佔據越都迫逐越君其意原在吞併既以人心不順始另立越王少子阮正蒙爲君以期籠絡今該國臣民悉知其狡譎之謀仍推戴嗣子阮福明出而圖存忠憤之懷深屬可憫茲據遞呈該國羣臣稟函臣等未敢壅於上聞謹將原函繕單恭呈御覽謹奏光緒十二年二月初二日奉旨覽奏具悉

照錄越臣阮廷潤等稟稱法人圖越請派兵援救函

越南原山興宣總督充協統軍務阮廷潤原諒平巡撫充參贊軍務

呂春歲山西巡撫充參贊軍務阮文甲提督軍務謝現贊理軍務阮高阮善武梅吳光輝贊襄軍務裴光瑩阮克恭劉如山黎有李武有正阮文侃黃廷經丁嘉桂丁嘉儀吳光灼李領兵范貴益阮名效杜文擲范輝恢並北圻紳耆士庶等肅稟竊念下國千百餘年君臣民庶得安宇下皆天朝福庇成全之德也三十年來所被法匪侵擾承天朝念其累世恭順不忍棄絕置之水火大師出關垂援下國老幼男婦莫不奔走迎接供役樂以忘勞曰天朝將有大造於我越南也本年二月十一日之役天威所臨夷酋就縛不一日間他族數十屯不戰自潰則又焚香頂祝以賀曰庶其復見天日乎不意他族巧譎百端天兵將欲長驅而他族和使已至隱其欺慢謬爲恭敬是以他

族得以肆毒於下國既迫取天朝頒給劍印又逼勒下國王以不可
忍受之事下國王萬非獲已及挾三二忠盡之臣間關山谷謀往北
圻諸地方收拾臣民倚仗天朝以圖興復六月十六日謹委陪臣黃
佐炎阮光碧等齊捧國書取路由廣西雲南轉達天朝哀告未審能
達否下列奉下國王之命糾集北圻忠義紳豪隨機戰守且料理糧
儲以待天兵現今下國北寧山西海陽南定興安諸省士民響應凡
他派兵糧夫役均不承應其從他之各府縣及司屬募兵人等各已
抽回近日石山景祿疊次屢獲勝仗起團集練互相聯絡以與他從
事他族號令壅而不行而又靜以南諸省士民亦羣起割據以分賊
勢竊照他族蔑視朝命其不奄下國爲己有以圖薦食勢不能已但

以下國臣民未忘先國王之澤欲吞而不能下咽又他族嵐瘴疫癘死斃日不下三百丁寧平旗臺春和道堂各處電報皆爲雷打六月十一日河內省他所積銀庫雷火焚之其銀錢飛散大半自知不見容於天地鬼神乃與下國二三叛臣阮文祥阮有慶潘廷評迎前得罪於先王之少子原號正蒙者擁而立之狡哉彼夷旣假此以愚弄下國臣民又將假此以掩飾天朝耳目謂國統有歸援兵可以不出則下國又絕望矣且他族所以罪下國而欺天朝者其說有二一謂下國已歷二王未曾向天朝求封其義已絕也一謂國王輕棄社稷君位已絕更立新君社稷爲重也二說者誠恐九重天遠不及詳察他族奸情天禍下國先國王以他族迫取劍印之故不勝憤鬱而沒

連年國喪幼君嗣位岌岌然朝不謀夕惟恐一日隕越爲天朝憂東
撐西扶日不暇給兼以他族多方絕其使路是以楚臣有淚不獲哭
於秦廷魯雁哀嗷何由聞於晉國下國之罪諒天朝所能見原也下
國王以一身繫廟社之重與其坐而待亡曷若出而圖存下國王所
在卽下國廟社所在也彼爲法人所擁立者則下國之讐也廟社何
有焉如下列者國破君遷自分一死所以未死者亦以故君尙在一
旅可以興夏千甲可以存越是以崎嶇山谷與下國王盡力圖存顧
以智淺慮疏兼之財殫力屈非蒙天朝垂手而拯濟之則下國雖欲
爲天朝臣妾以長依日月之光不可得也輒敢冒昧具由佈達伏乞
大人以事奏聞幸蒙大兵早出天日重臨豈惟下國王其下國廟社

之靈實利賴之下列臨書不勝哀痛翹望之至清風送爽順禱勘安

肅稟正月初十日

旨寄曾紀澤着俟英緬近事議定後回華電電

旨電曾紀澤緬事近議如何曾紀澤着俟議定後再行回華洋藥事已議妥卽電復二月初二日

使英曾紀澤致總署英緬事決用剛柔二策電

附旨

洋藥事英允於未換約先開辦即派使到港唯不允商港事亦不允赫議云已屬歐駁赫緬事不但不讓入幕且毀其前任立教王以貢華之議外部議兩法一雲督緬督十年互送禮一清帝英后十年遣使互送禮澤皆拒之力爭多次英不鬆口現應如何辦理乞速示頃訂初六再

商澤擬剛柔兩策乞酌剛則吝云英滅吾朝貢之國又所商善後不協
吾意吾以友誼爲重不欲失和然當商議界務照各國所繪中緬界圖
分管如此是拒其陸路通商之請故謂之剛柔則允其兩督互送禮之
說緬前貢華者改由緬督送雲轉呈華前賜緬者改交雲督撫送緬界
則潞江東仍歸華八幕有華租界且可設稅關如此稍柔然可即了二
月初二日奉旨曾紀澤朔電已悉洋藥事英旣派使即可在港商辦該
大臣暫勿與議所擬緬事剛柔兩法中緬自有定界未可以洋圖爲據
致他處分界又開歧出之門煙臺舊約大理已有專條安能拒其陸路
通商旣無貢獻之名彼此送禮亦嫌蛇足以上三策均勿庸議此時立
王朝貢前議空言爭執恐彼費辭應暫置勿提先與專議伊江劃界八

幕通商兩事一有端倪即行電聞

直督李鴻章致總署法外部欲進口稅減五分之一出口

稅減三分一電

戈使派狄隆來密述該外部回電云進出口稅皆減五分之一斷不能允萬不得已進口照華議減五分之一出口照法議減三分之一均較俄稅則有加俄在張家口買土貨僅交一子稅並無正稅法可將正子稅並納惟出口黃絲一項請減半進口洋布棉花胡椒等項請多減鴻謂出口既不能減五之一必減四之一狄云外部格外和好乃折中定議且四之一與三之一多得無幾苦勸不必因此決裂鴻云若如此議斷不能於進出口各貨內抽出他項另求多減狄允即商戈電覆外部

約初五戈來會議狄在華二十餘年情形極熟頃升越南會辦即日起程屢來轉圜似可酌量議准俟初五會戈商定再電聞二月初三日

旨寄張之洞外傳該督因美國華工被害將圖報復有
無此議着電聞電

旨倫敦電報華民在彼被害中國索賠總統卻之粵督電致駐美大臣謂將報復等語美使田貝歷次照會均允拿人究辦現亦以前信來問閩粵華民在彼甚衆若該督果有報復之說恐粵省人民藉端生事或波及別國洋房必至枝節橫生難於收拾倘係好事之人播散謠言該督必應實力查禁美國向係真心和好此次照會詞亦恭順切不可因此開衅究竟該督有無此說並着先行電聞二月初四日

旨寄鄧承修先勘原界如病重不能往着李秉衡會勘
電

旨鄧承修冬電已悉仍着懍遵初二日電旨知照浦使先勘原界如實
因病重不能親往勘界卽着李秉衡前往與浦使會勘鄧承修仍不得
擅自離關俟事定聽候諭旨二月初四日

直督李鴻章致樞垣轉張之洞電代鄧承修疏通電

粵督電頃南關錄寄鄧昨日電奏語太逕直恐激而難轉致妨大局望
力爲幹旋旣遵旨勘一二段似不致有枝節公前告鄧李擇勘一二段
實良策惜兩公不悟耳云云二月初四日

勘界大臣鄧承修致總署稱病勢日增已與狄使商緩

至秋末勘界電附旨

修本日照會法使云本大臣因患病特派王道臺到文淵與貴狄大臣商議茲王道臺回稱狄使答云如本大臣患病可緩至秋末即可彼此互換公文暫行停辦等語修病勢日增關門自去臘至今無日不雨茅棚局處瘴濕薰蒸度日如年人無生理雖欲竭誠圖報力不從心咎由自取即治以重罪亦復何詞惟求聖明始終愛憐垂察而已請代奏二月初四日奉旨本日鄧承修自南關電奏各節不勝駭異迭次電諭該大臣等先勘原界並不遵旨速辦輒思託病回龍又不請旨遵行遽與照會緩至秋末再辦是緩辦一語自我先發已與前旨相背鄧承修執拗任性罔知大體李秉衡同辦一事何以隨聲附和於疊次諭旨置若

罔聞任令鄧承修肆意逕行一至於此仍着懍遵前旨即行知照浦使先勘原界倘瘴發趕辦不及亦必勘辦一二段先立文據餘俟秋後再勘若再託故遲延始終違誤必當從重治罪懍之慎之

桂撫李秉衡致總署與法通商宜在諒山以北之越地

電附旨

疊接諭旨先勘原界緣鄧病重兼春瘴大起故照會浦使稱其能否從緩昨奉嚴旨商同定期照會浦使再勘一二段總之三城實有可得之機法國斷無輕開之衅我非力征強佔實因彼此瘴病暫緩彼當無辭種種委曲無非仰體朝廷苦衷查彼欲速勘原界意在全毀更正入龍通商不至驅邊民入教不止且龍州爲兩粵上游三關堂奧數歲設防

費餉億萬待敵入室籌備全虛大局所關敢不豫計所有通商處所祇宜在諒山以北之越地未應牽混華境至難措手懇飭北洋大臣籌緩秋末妥議力爭亟圖轉圜請代奏二月初四日奉旨疊次電諭鄧承修李秉衡會商法使先勘原界機宜所繫前諭已詳乃該大臣等並不遵旨辦理固執已見託病遷延昨鄧承修電稱即重罪亦復何辭並少垂明察等語已屬負氣本日李秉衡電奏各節尤爲紕繆據奏三城實有可得之機法國斷無輕開之衅李秉衡有何把握而爲此臆度之語豈竟未覩法外部電信所云耶界務改正以及通商在諒山以北新約業已訂明法國豈能違約妄索徑議入龍通商至驅民入教之語更屬無據朝廷特命該大臣等勘界關繫如何重大豈僅派一道員所能了事

飾詞規避始終執拗殊屬大負委任鄧承修李秉衡着交部嚴加議處仍遵前旨迅即履勘倘再玩延致誤大局者英成案具在試問該大臣等能當此重咎耶

粵督張之洞致總署美害華工領事來牘道謝西人因

懼生訛乞商禁電

旨初四電恭悉初接金山電立時豫防善後電奏在案致鄭使電云金山來電甚慘粵民憤恐別生事竭力商保護又云粵情洶洶洋商悚懼實屬可危須緝匪賠資得該使臣一電可宣示息事語意與電奏同美領事來牘道謝極稱平安月朔美英照稱港報謂粵電有報復語急索港報果有云倫敦來電美傷華人事華責賠補美廷不允故粵督電將

恐中國於美國人在華者亦如法以復其仇云深爲詫異查此事洞疊諭愛育善堂香港醫院飭司府營縣防營派弁密訪揭除又手書長篇諭書一件略言朝廷已飭署商美力保洞已催緝責賠鄭來電美已示禁派兵緝匪粵不宜再紛傳以訛生事若成仇衅在彼華人必更被匪逐害無益有損此爲保護美地粵民起見等語寄港院檄文武均同衆情似尙欣領近日甚安靜無貼報者索閱報單但阻華人勿往並無過當語續接鄭電洛士丙冷已飭議院籌償洞管見先云敕保粵民以緩其勢繼云美兵懲禁以平其怒終云生衅自害以怵其心一面懇鄭力護免致禍熾續報以清其源實已不遺餘力蓋此事仇可善解若文告稍不審立激事端沙面爲前車之鑑伏思美素睦我在粵美酋最謙謹

款事美已允辦即使彼十分無理甚至講理閉關亦斷不能縱民搶害從古交鄰制敵皆無如此辦法此由西人因懼生訛洋文愈轉愈謬卽如美已籌償而謂其不可粵未言報復而謂其報復一也惟粵民尙可密查力防若外洋訛報流傳入華自行挑激實爲可慮懇敕署切商美英各使臣自禁訛傳似亦要着也詳陳辦法請代奏

二月初六日

並照錄

直督李鴻章致總署報法使來議稅則將定局電

同案

戈來議進口出口稅則允照狄隆前議不准於各貨內抽出他項另減戈並允禁洋藥出入邊關欲我准越鹽販入以相抵鴻堅不許彼云仍電外部請示其餘各款粗定似均與中國無損通商設關處所俟界務定後再議

二月初七日

使英曾紀澤致總署與英議緬甸事倘照例貢獻可否

了結電

附旨 呈請 未聞 神 再呈 英 人 專 明 許 人

允論界務商務是認英滅緬之據不於同時論貢務則以後仍難再論
倘辦到緬督每十年照緬王舊例遣使呈儀而我仍不遣使可將就了
結否此意亦外部密告者也二月初九日奉旨庚電已悉先論界務商
務既爲認英滅緬即辦到遣使呈儀何獨不然况與緬督往來尤失國
體斷不可行前諭本以存緬爲正辦而以該大臣入幕通商原議爲第
二步此時仍宜堅守存祀前說與之始終力爭縱爭之不得當可留待
異日也續議如何電聞

滇督岑毓英致總署請飭曾紀澤不可誤認潞江電

奉上諭據曾紀澤電信有近商緬事潞江東地咸歸中國等因查潞江源出客木流入雲南在瀾滄江之西雲省緬西中甸騰越龍陵各廳以及八關九隘野人山均在潞江以西前議斷不可許雲緬自有舊界不可不判即潞江西之龍川江亦由雲入緬騰越關隘且在龍州以西界務重大請旨飭曾更正請代奏二月十一日

使英曾紀澤致總署爭存祀未得不宜遽定界務商務

電

立教王有存祀之意即遵旨始終力爭爭未得似不宜遽定界務商務是示以不復爭存祀也澤前電或未明晰謹再呈英允爭八幕即指八幕上游亦未允我濱伊江並呈二月十一日

總署致曾紀澤岑電與英議界潞江東地歸中國斷不

可許電

岑電潞江在瀾滄之西雲省騰越龍陵各廳及八關九隘野人山均在潞江之西貴處前議潞江東地歸中國斷不可許等語與本處前電正合貴處正月佳電云此後呈電改怒爲伊乃二月朔電仍云潞江東歸華似沿瀛寰志略之訛現所爭固不在此此節所關甚重將來如議及切勿誤發二月十一日

諭岑毓英已飭曾紀澤改正潞江之誤電

旨岑毓英冬電已悉曾紀澤前奏潞江本係伊拉瓦底江之誤八幕新街傍伊江岸至潞江確在騰越之東總理衙門徧查地圖與該督所奏

相同早電曾紀澤更正矣英因外部換人前所允又有翻覆現仍飭曾紀澤堅持存緬祀之議與之力爭俟有成說再行諭知二月十二日

使英曾紀澤致總署遵旨力爭緬祀並潞江下游電

本日爭存祀克怒云英據緬本可不商中國中國不允緬督呈儀一切事可停商等語澤前電潞東歸中國係潞江下游已入緬境者英已得之而讓我不非雲境內之潞江上游也二月十二日

勘界大臣鄧承修致總署法使定勘界日期電

初十修等到文淵會浦浦意瘴日重宜趕辦從中段起東至隘店隘即洗馬關西至水口關繪圖互認昨卜來定十五起勘當遵旨力疾就道

請代奏二月十三日

川督丁寶楨奏籌備川省邊防摺

四川總督丁寶楨奏爲查明川省邊防應行籌備事竊臣於上年十二月初十日奉十一月二十九日上諭以英人現既併緬甸恐狡焉思啟之心因此益甚四川邊防着丁寶楨密籌熟計先事圖維一切情形隨時探明具奏等因欽此嗣准總理衙門咨以新授駐藏大臣文碩奏稱西藏應如何辦理各情奉旨交該衙門議奏欽此茲將所議各節咨會駐藏大臣囑其確探奏明籌辦等因臣查川省之於西藏向各分前後兩處由川省至後藏計程九千餘里以每站七十里計之約共需行一百三十四日前藏則七千數百里計需行一百二十日道路之遠莫逾於此而所極難者藏中不產米糧並無採辦之處間有一二購買者

聞均向廓爾喀及印度而來到者極少所買亦無多藏中只出青裸一種向惟本地土生土長之人慣於服食外人則多不食食之輒易生病故以四川歷來派往駐藏之員至多僅一千四百餘人官則自游擊以至千把外委至多不過五十餘員不敢多派以其道路之遠兵糧之艱脚力之無有也其駐藏兵丁口糧則自四兩九錢及三兩七八錢二兩五六錢不等皆視地之遠近爲等差又各兵按月皆發雙餉官弁則加倍於尋常以道遠無米可買故必寬爲給發始可有食至駐防之兵定以三年期滿則換不能久待亦常有未及三年而已死亡者皆由駐藏大臣於藏中擇人充補知照來川照發口糧此二百年之定例也今英藏設將有事川省自不能不預備以固邊圉而道路之遙遠如此糧餉

之艱難又如此若由川省勞師遠涉諸凡掣肘有損無益臣與在省司道文武酌定核議擬在四川緊接藏中邊防內自行籌辦斷難及遠茲擬於巴塘駐勇二千人又於裏塘駐勇丁千餘人以爲策應藉壯聲威且英人現有事於雲南此處駐兵亦可就近兼顧現暫爲駐紮如須再加兵勇應俟隨後查酌辦理又巴塘地方向每有三巖野番不時出巢搶奪正可藉此爲名辦防既不與英人藉口滋釁之端亦不啟藏人有恃無恐之念則川省邊防似出有名較爲妥協惟巴塘裏塘駐師三千餘人亦不甚易蓋該處由打箭爐而外徧地夷人盡屬蠻荒素不知米糧爲何物今兵勇皆派自內地非糧不行似必早爲預備且軍火之費亦軍行要着更不得不早爲計及以爲日後之用臣現擬籌三四月糧

清季外交史料卷六十四
其軍火亦籌足以供三四月之用庶利軍行但所費實屬不貲應由臣酌量情形辦理謹奏光緒十二年二月十四日

川督丁寶楨奏廓爾喀爲西藏屏蔽請予嘉獎片

丁寶楨片 再西藏爲全蜀第一道藩籬廓爾喀又爲西藏切近屏蔽臣抵川時特請賞准廓使循例入貢正所以示羈縻也上年該國巴勒布商民被藏番劫擄一案藏中議給賠款虧折甚大該國噶箕有言若非前次展覲蒙大皇帝厚恩難與唐古忒罷兵息事又上年法越事亟臣聞廓酋曾赴藏呈懇自願出兵助攻法人稍圖報效是其感恩嚮義確有明徵當此英俄窺藏事機緊要多一重門戶即多固一處疆圉可否仰懇天恩准予該番嘉獎令益堅其內嚮之心不但邊城增一障蔽

兼使異族少一內助川藏全局均有裨益謹奏二月十四日

滇督岑毓英奏緬人齎書備貢求援摺

附上諭及原書

雲貴總督岑毓英奏爲接據邊報緬人齎投文書內稱備貢求援各情照譯繕單密陳事竊臣於光緒十二年正月初六日曾將滇緬邊務情形及將緬人齎投文書鈔咨軍機處暨總理衙門緣由奏明在案嗣奉上諭此次英緬搆兵實由緬不量力自取挫敗惟究係中國朝貢之邦未便置之不問等因欽此伏查英人詐取緬甸不饜能服緬人之心以致瑞波稔祚各土司起兵抗拒相持不下勢難自立近聞英派大臣布印幹赴緬未知作何經營是否另立緬王尙無的信頃據騰越鎮總兵朱洪章騰越廳同知陳宗海稟報光緒十一年十二月二十八日緬甸

清季外交史料卷六十四
土司稔祚坐把遣來緬卒四名齎到緬字文書當即譯出係稱緬受英人欺詐緬王被虜坐把不忍坐視現已糾合十九繆聚兵二萬與英人拒戰惟恐力不能支應乞奏請聖主發兵救援諸事願聽指揮並謹備貢禮象十五隻馬十五匹金碗三十箇鑲寶灰盒三十箇偶盒二十箇象牙三十枝交付直也已解送乃因兵船阻路不能前進懇請派員前來接取總兵等以事關中外交涉當飭緬人聽候請示辦理各情前來臣查緬爲中國朝貢之邦仰蒙諭飭使臣曾紀澤與英外部辯論英人亦經允立緬王是在緬旣受興滅繼絕之恩在英亦有講信修睦之誼雖事局尙未能有定未便遽即加兵核緬國求兵救援之處似難照准所請至該緬國兵戈擾攘地方蹂躪不堪志切求援修備貢物情亦可

憫惟道途梗阻彼既不能自達中國亦未便派員前往接收但以該國懇切下忱未敢壅於上聞謹將稔祚坐把齎到原文繕單恭呈御覽伏候聖訓再前派古州鎮總兵丁槐前赴騰越茲已據報抵永昌府計期已到防都司杜秉陽監生劉開信往撫南甸一帶野夷一百二十三寨共集七百餘人犒以牛酒錢物各表歡忱願受約束各守邊圉該都司等現復往干崖一帶撫諭俟其聯絡就緒應如何設立土守備千把總再行詳細規畫奏明辦理合並陳明謹奏光緒十二年二月二十四日奉旨覽奏已悉緬事經曾紀澤與英外部辯論尙未定議修貢一節着俟定議後聽候諭旨其安撫野人各節籌辦尙屬妥協應如何設立土官之處即着詳細規畫奏明辦理

謹將緬國土司稔祚坐把暨其屬官阿麻巴來文照譯繕呈御覽
稔祚坐把稟緬國自開關至今地方沾仰皇恩四方平靖不期於本
年九月內有洋人憂日勵慈列墊統帶洋兵七千餘名佈散流言云
稱送前往洋國之緬太子漾染漾偶前來復國緬官俱被朦混洋人
遂將國王拿獲送往洋國緬地官民等無奈聽伊號令坐把不忍坐
視失國之慘並不屑聽洋人調度情願傾心歸服中國現今糾合得
十九繆聚兵二萬有餘同伊爭戰無奈力不能支邀求奏懇皇上發
兵救援將洋兵掃蕩諸事願聽指揮官民無不樂從又緬國曾經備
辦貢禮象十五隻馬十五匹金碗三十箇鑲寶灰盒三十箇偶盒三
十箇象牙三十枝已付直也已親身護送無奈洋人火船將路阻住

是以不能送出稔祚坐把屬員阿麻已稟洋人不過一萬之衆即將
緬國侵吞我主人稔祚坐把至死不投現今招聚得人二萬有餘正
在同洋人爭戰兼之緬地人心不服者多趁此時若漢兵一到定能
成功若再遲延恐難恢復矣請乞發兵救援一事或戰或不戰或由
那路發兵若許俟使人直也已折回之時請祈示知又我主稔祚坐
把曾經湊辦貢禮象牙十五隻馬十五匹金碗三十箇鑲寶灰盒三十
箇偶盒三十箇象牙二十枝因路途阻塞請乞專人前來接取

總署致曾紀澤囑爭緬祀須給照會并索照復電

力爭存緬祀舌口爭論究嫌無據仍宜給與照會婉言正論反覆理辯
但能設法令其復踐前說則緬督進獻一節我亦可通融再商總須有

